

ጾኑሲ ማደም ዳኪንቴ ጳውሎስ ዳኬ ላምዓሳ ኪኢቶ ቆርንቶስ ዓጮ ዓሶም ዓይፆ ካር

ጳውሎስ ቆርንቶስ ዓሶም ፃኣፔ ላምዓሳ ኪኢታ ፃኣፒንቴህ
ጳውሎስና ቆርንቶስይዳ ዓኣ፡ ኪሪሰቶስ ጉሙርቃ ዓሶና ባኣካ
ሚታ ማዢንጉ ዓኣንቴኬ። ፔቴ ፔቴ ኪሪሰቶስ ጉሙርቃ ዓሳ ዒማና
ዒዛ ፑርቲሲ ደንካያ ማዔቴያ ጳውሎስ ዔያቶና ዎላ ጊኢጋኒ ኮዓያ
ማዒፆ ሃሃ ጊኢጌያ ማዔቴ ሚርጌና ዒዛ ዎዛሳኒ ዳንዳዒህ ሃና
ኪኢታ ኬኤዛኔ።

ኪኢቶኮ ዓይፆይዳ ጳውሎስ ቆርንቶስይዳ ዓኣ፡ ኪሪሰቶስ
ጉሙርቃ ዓሶና ዎላ ዓኣ ዒዛኮ ፔቴሞና ኪሪሰቶስ ጉሙርቃ ዓሶ
ባኣካ ዒዛ ደንካ ዓሶና ዒዛ ዒፂ ማካ ዓሶም ዓይጋ ዒ ዴኤፆ
ዑኡሲና ማሂ ኬኤዜቴያ ዔርዛኔ። ሃሃ ዬይ ዒዛኮ ጎሪፆ ዔያታ
ዳሲንጉቲፓ ማዓንዳጉዲና ዒዛና ቡካንዳጉዲ ማሃሂር ዒዛ ዎዛሴ፡
ዎዛ ዔያቶም ኬኤዛኔ። ዬካፓ ዪሁዳ ዓጮይዳ ዓኣ፡ ኪሪሰቶስ
ጉሙርቃ ዓሶ ማኣዲኒ ኮሹሞና ዔያታ ዒንጎ ባኣዚ ዒንጋንዳጉዲ
ዔያቶም ኬኤዛኔ። ሃና ኪኢቶኮ ጋፒንፆ ዓይፆንሂዳ ዓሳ ዒዛ ዒፂ
ጋዓ ጌኤዘኮ ማሂፆ ጳውሎስ ኬኤዛኔ፤ ዓይጎር ጌዔቴ ቆርንቶስይዳ
ዓኣ፡ ኪሪሰቶስ ጉሙርቃ ፔቴ ፔቴ ዓሳ ፔና ጎኔ ጾኑሲ ማደም
ዳኪንቴያ ማሂ፡- «ጳውሎስ ጾኑሲ ማደም ጎኔ ዳኪንቴያቴዎሴ» ጌዒ
ዒዛ ፑርቲሲ ኬኤዛሂርኬ።

ማፃኣፔላ ዲማ ዲማ ዓርቄ ባኮ

ዓይፆ ካር (1:1-11)

ጳውሎስና ቆርንቶስይዳ ዓኣ ሺኢጲፆ ማኣር ዓሶና ዛላ (1:12
—7:16)

ዪሁዳይዳ ዓኣ፡ ኪሪሰቶስ ጉሙርቃ ዓሶም ዳኪንቴ ማኣዶ (8:1
—9:15)

ጳውሎስ ጾኑሲ ማደም ዳኪንቴያ ማዔሂ ኬኤዜሂ (10:1—
13:10)

ጋፒንሂ ሃይሴ (13:11-14)

1 የኦሲ ማለህ ማዕም ዩሱስ ኪሪስቶስኮ ዳኪንቲ ማዳያ ማዕ። ጳውሎስና ኑ ባሻህ ጂሞቴዎስናይዳፓ፡-

ቆሮንቶሴይዳ ዓኣ ሺኢጲፆ ማኣሮ ዓሰና፤ ዬያጉዲ ዓካይያይዳ ዓኣ፤ ኪሪስቶስ ጉሙርቃ ዴሮም ቢያ።

2 ኑ ዓዳህ፤ የኦሲህና ኑ ጎዳህ ዩሱስ ኪሪስቶስኮ ሚጨንቲያና ኩሹሞና ዒንህም ማፖንጎ።

ጳውሎስ የኦሲ ጋላቲ ጋላቶ

3 ሚጨንታ ዓደ ማዕያ፤ ሃህ ቢያ ባኣዚና ደዲሻያ ማዕ የኦሲህ፤ ኑ ጎዳህ ዩሱስ ኪሪስቶስኮ ዓደ፤ የኦሲህም ጋላታ ሄሎንጎ።

4 ኑኡኒ የኦሲዳፓ ዴንቃ ደዲሞና ማታህዳ ዓኣ ዓሰ ቢያ ደዲሻኒ ዳንዳዓንዳጉዲ፤ የኦሲ ኑ ማታዳ ዎደና ቢያ ኑና ደዲሻኔ።

5 ኪሪስቶስ ማታዳ ማቶ ኑዎ ሚርጌና ማታዳህጉዲ ኪሪስቶስ ዘሎና ደዲሞ ሚርጌና ኑ ዴንቃንዳኔ።

6 ኑኡኒ ማታዳ ዎደና ዒንህ ደዲሞና ዳቂንታና ዴንቃ። ኑኡኒ ደዲሞ ዴንቃ ዎደና ሃህ ዒንህያ ኑኡኒ ማታዳ ማቶጉዴ ማቶ ገቢ ዳንዳዒ ደዲሞ ዴንቃ፤

7 ኑኡና ዎላ ዒንህ ማታዳህጉዲ፤ ኑ ደዲሞዎ ዒንህ ዴንቃያ ማዕህ ኑ ዔራህሮ ዒንህዳ ኑ ጌህ፤ ሃጊ ማዓንዳ ዎዘ ደዲከ።

8 ታ ዒሻንህ! ታ ሚሻንህ! ዒሲያይዳ ኑ ዓኣንቲ ኑና ሄሌ ማታህ ዒንህ ዔራንዳጉዲ ኑ ኮዓኔ፤ ዬይ ኑና ሄሌ ማታህ ሚርጌና ኑም ዴኤፆያ ማዕህሮ ኑ ሹምፔና ዓታንዳኔ ጌዒ ማሊባኣሴ።

9 ፔቶ ኑ ሃይቃንዳጉዲ ኑ ዑፃ ዎጊንቲያ ኑም ማሊ ጴዳኔ፤ ዬይ ቢያ ኑና ሄሌህ ሃይቁ ዓሰ ዔቂሳ፤ የኦሲ ኑ ጉሙርቃንዳጉዲ ማሃንዳፓዓቲም ኑና ኑ ጉሙርቁዎጉዲከ።

10 ዬያሮ ዒዚ ኑና ዬያ ሃይቦይዳፓ ዳቂሽኔ፤ ሃጊያ ኑና ዳቂሻንዳኔ፤ ኑና ዳቂሻንዳኔ ጌዒ ሃጊ ማዓንዳ ዎዘ ኑ ጌህህ ዒዚይዳከ፤

11 ዬይ ዒንህ ኑና ሺኢጲፆና ማኣዳህሮ፤ ሚርጌ ዓሰ ሺኢጲፆና ኑኡኒ የኦሲ ማኣዳ ዴንቁም ሚርጌህ የኦሲ ጋላታንዳኔ።

ጳውሎስኮ ማሌ ማሊፆ ሺርሺፆ

12 ሃያ ዓጮይዳ ባሽ ዒንህና ዎላ ኑ ፔቲሞና ሃህ የኦሲዳፓ ማዕ። ጂሎሞና ፒዙሞና ኑ ናንጌህ ኑ ዒና ማርካዳኔ፤ ዬይ ዓሲ ዔራቶናቲዎንቲ የኦሲ ፔ ኩሹሞና ዒንጋ ዒንጊፆ ዎልቆናከ፤ ዬያሮ ሄርሺንታ ኑኡኮ ዬያናከ።

1:1 ዳኪ. ማዳ 18:1። 1:8 1ቆሮ. 15:3።

13 ናባቢ ዲንሣ ዔራኒ ዳንዳዑዎ ባኣዚ ኑ ዲንሣም ፃኣፓዓኬ፤ ቢያ ባኮ ዲንሣ ዔራንዳሢያ ታ ጉሙርቃኔ፤

14 ሃሢ ዲንሣ ኑ ዛሎ ጋፒሲ ዔራዊ ባኮ ጊንፃፓ ጋፒሲ ዲንሣ ዔራንዳሢያ ታ ጉሙርቃኔ፤ ጎዳ ዩሱሴ ኬሎና ኑ ዲንሣና ፆቶርቃንዳሢያ ዲንሣያ ኑኡና ፆቶርቃንዳኔ።

15 ዬይ ባካ ጎኔ ማዔሢ ታ ዔራሢሮ ላሚ ዲንሣም ማዓ ባኣዚ ዲንሣ ዳንቃዳጉዲ ቤርታዲ ዲንሣ ታ ዛጋኒ ማሌንቴኬ።

16 ዬያ ታ ዛጋኒ ማሌሢ ማቄደኒያ ባንሣ ዓኣዳኣና ሃሃ ዲኣካፓ ማዒ ሙካኣናኣ ቢያኬ፤ ዩካፓ ዩሁዳ ታ ዓኣዳኣና ዲንሣ ታና ማኣዳንዳኔ ጌዒ ታ ማሌኔ።

17 ጋዓንቴ ዬያ ታ ማላኣና ታኣኒ ማዳ ባኮ ዔራዊ፡ ማሊያና ሴካ ሃንጋ ጌዒ ሺራ ዓሲ ማላ? ሃሃ ዬያ ማሊያና ፔቴና «ሂዮዎ፡ ዔይዔያ» ጌዒ ጌዒ ዓሲ ማሊሢና ታ ማዳያ ማላ?

18 ያኣሲ ለኡቁዎ ያኣሲ ማዔሢሮ ኑኡኒያ ዲንሣም ኬኤዛሢ «ሂዮዎ፡ ዔይዔያ» ጌዒ ሴካ ሃንጋ ጌይሲ ሺርሻ ባኣዚቴዋሴ።

19 ዓይጎሮ ጌዔቴ ታናንታ ሲላሴንታ ጂሞቴዎሴንታ ያኣሲኮ ናዓሢ፡ ዩሱሴ ኪሪሰቶሴ ዛሎ ኑ ዲንሣም ኬኤዛሢ «ሂዮ» ጋዓያና ሌሊ ማዓንዳኣፓዓቴም «ሂዮዎ፡ ዔይዔያ» ጋዓያናቴዋሴ።

20 ያኣሲ ኑም ዲንጌ ሃጊ ማዓንዳ ዋዛ ቢያ «ሂዮ» ማዒ ኩማንዳሢ ዩሱሴ ኪሪሰቶሴናኬ። ዬያሮኬ ያኣሲ ቦንቾም ኪሪሰቶሴና «ዓኣሚን» ኑ ጋዓሢ።

21 ኑና ማዔቴያ ዲንሣ ኪሪሰቶሴና ኑ ደዳንዳጉዲ ማሄሢ ያኣሲኬ፤ ዲዛም ኑና ደማሴሢያ ዲዛኬ።

22 ዲዛም ኑ ማዔሢ ዔርዛ ማላታ ኑጊዳ ጌሢሢና ሃጊ ኑም ዲንጊንታንዳ ባኮኮ ዓያኖ ጌኤኮ ዓይሢ ባኣዚ ማሂ ኑም ዲንጌሢ ዲዛኬ።

23 ታኣኒ ቆሮንቶሴ ማዒ ሙኪባኣሢ ዲንሣ ያዩሳዓ ጌዒ፡ ሚጠንቴሢናኬ፤ ዬያኮ ያኣሲ ታኣኮ ማርካኬ።

24 ዲንሣ ጉሙርቁሢና ደይያ ማዔሢሮ ዲንሣ ዋዛሳኒ ዲንሢና ዋላ ኑ ማዓንዳኣፓዓቴም ዲንሣ ጉሙርቃንዳ ባኮ ኑ ዲንሣም ኬኤዚ ዓይሣያቴዋሴ።

2

1 ዓካሪ ታ ዲንሣ ያዩሳኒ ኮይባኣሢሮ ላሚ ታ ዲንሣ ኮይላ ሙካዓ ጌዒ ማሌኔ።

1:16 ዳኪ. ማዳ 19:21። 1:19 ዳኪ. ማዳ 18:5።

2 ታ ዒንሢ ያዩሴያ ማዕቲያ ታ ያዩሴ፣ ዒንሢዳፓ ዓታዛ ማሌ ታና ዋዛሳንዳይ ያናዳይ?

3 ሃያኮ ቤርታ ታ ዒንሢም ፃኣፔሢ ዒንሢ ኮይላ ታ ሙካኣና ታና ዋዛሳን ኮይሳ ዓሳ ታና ያዩሴ-ዋጉዲ ጌዒኬ፤ ዓይጎር ጌዔቴ ታ ዋዛዴኔ ጌይፃ ዒንሢ ሲያሢ ዋዛዴኔ ጌይሢ ማዕሢ ታ ጉሙርቃኔ።

4 ሚርጌ ያዩ፣ ሜታዲ ማሊሢና ሃሣ ሚርጌና ዩኤኪ ዩኤኪ ታ ዒንሢም ፃኣፔሢ ሚርጌ ታ ዒንሢ ናሽካያ ማዕሢ ዒንሢ ዔራንዳጉዲ ጌይ ማዕንዳኣፓዓቴም ዒንሢ ያዩሳን ጌይቱዋሴ።

ዳቤ ዓሰም ዓቶም ጌይሢ ዛላ

5 ዓይጎ ዓሰያ ማዕም ዓሰ ያዩሴይ ዓኣቶ ዒዛኮ ዳቢንቶ ፑኤፒሰ ኬኤዚሢሢቱዋንቴ ዒ ያዩሴሢ ታናቱዋንቴ ዒንሢዳፓ ሚርጌሢ ዒ ያዩሴኔ ጌይሢኬ።

6 ዩያጉዴ ዓሢም ዒንሢዳፓ ሚርጌሢ ጌሰቲ ዓጌ ባካ ዒዛም ጊዳንዳኔ።

7 ዩያሮ ዩይ ዓሢ ሚርጌ ያዩሢና ዋዛ ባይዙዋጉዲ፣ ዒዛም ዒንሢ ዓቶም ጋዓንዳያና ደዲሻንዳያ ኮይሳኔ።

8 ሃሣ ዒንሢ ዒዛ ናሽካያ ማዕያ ጊንሣ ጎናሲ ዔርዛንዳጉዲ ታ ዒንሢ ሸኢቃኔ።

9 ዩያ ሸኢቶ ታ ዒንሢም ፃኣፔሢ ዒንሢ ዛጋን ዒንጎ ሜታሢ ዋዲ ዒንሢ ደዲ ዓኣሣቴያ ሃሣ ሲያ ዋዴ ታኣን ዓይሣ ባኮ ዒንሢ ኩንሣያ ማዕቲያ ዔራን ጌይኬ።

10 ዒንሢ ዳቢንቶ ዓቶም ጋዓ ዓሢም ታኣኒያ ዓቶም ጋዓንዳኔ፤ ታ ዒዛም ዓቶም ጋዓንዳ ዔርቴ ዳቢንቲ ዓኣቶ ታኣን ኪሪሰቶሴ ቤርታ ዒዛም ዓቶም ጌዔሢ ዒንሢ ጋቴ ጌይኬ።

11 ዩያ ኑ ማዳሢ ፃላሃኮ ጌኖ ማሊያ ኑ ዔራሢሮ ካራ ዒ ዴንቂ ጌሉዋጉዲ ጌይኬ።

ኪሪሰቶሴና ጸዳ ባሺሢ

12 ዩካፓ ኪሪሰቶሴኮ ኮዦ ሃይሶ ኬኤዛን ፃሮዓዳ ታ ዓኣዴ ዋዶና ጎዳ ዳልጊ ማዶኮ ካራ ታኣም ቡሌንቴ፣

13 ዒኢካ ታኣን ታ ዒሻሢ፣ ቲቶ ዴንቂባኣሢሮ ዒና ታኣኮ ሃውሽባኣሴ። ዩያሮ ዒኢካ ዓኣ ኪሪሰቶሴ ጉሙርቃ ዓሶ ሳራሢ ሜቂደንያ ታ ዓኣዴኔ።

14 ጋዓንቴ ቢያ ዋዴ ኪሪሰቶሴ ባሻ ባሺያና ዔኪ ኑና ሃንታሢንታ ኪሪሰቶሴኮ ዓኣ ዔራቶ ቢያ ቤዘ ሳውቃ ቲሺጉዲ ኑ ሄሊሳንዳጉዲ ኑና ማሃ ያኣዛሢም ጋላታ ሄሎም።

2:13 ዳኪ. ማዶ 20:1።

15 ኩኒ ደቃ ዓሰም ማዕቲያ ባይቃ ዓሰም ኮሺ ሳውሞ ዓኣ ዑንጃጉዲ ኪሪሰቶሴ ዛሎና ያኦሲም ዒንገንቴያኬ።

16 ባይቃ ዓሰም ዋዲያ፡ ሃይቢ ሃይቢ ጌይ ሳውቃያ፤ ደቃዞንሢም ጋዓንቴ ኩኒ ናንገ ዒንጋያ ሹምፖ ሳዊኬ፤ ዓካሪ ዬያ ማዶ ማዳኒ ደንዳዓሢ ያናዳይ?

17 ኩኒ ያኦሲ ቃኣሎ ኮርሞ ባኣዚሮ ዔኪ ሃንታ ማርጌ ዓሰጉዲቱቀሴ፤ ጋዓንቴ ኩኒ ያኦሲፓ ዳኪንቴ ዓሰጉዲ ኪሪሰቶሴና ማዒ ያኦሲ ቤርታ ፒዙሞና ኬኤዛ።

3

ዓኮ ጫኣቁሞ ዎዶና ማዳ ዓሰ

1 ኑ ኑና ገንሣ ሃሄርሻኔ ጌይሢዳ? ሃሣ ፔቴ ፔቴ ዓሳ ማዳሢጉዲ ዒንሢምታቴያ ዒንሢዳፓ ፒዜ ማዳያ ማዒያ ዔርዛ ዋርቃታ ኑም ኮይሳኔ ጌይሢዳ?

2 ዓሲ ቢያ ዒንሢ ዛጋያና ናባባያ፡ ኑ ፒዜ ማዳያ ማዒያ ዔርዛ፡ ኑ ዒና ያኣፒንቴ ዓኣሢ ዒንሢኬ።

3 ዒንሢ ኑ ማዳ ማዳፓ ጴዳያ፡ ኪሪሰቶሴኮ ያኣፒንቴ ኪኢታ ማዒሢ ዔርቴያኬ፤ ዬይ ኪኢታ ያኣፒንቴሢ ናንገና ናንጋ ያኦሲ ዓያኖና ማዓንዳኣፓዓቴም ዓሲ ያኣፓ ባኣዚናቴቀሴ፤ ሃሣ ዬይ ዓሲ ዒናይዳ ያኣፒንቴያኬ፤ ዓርሲንቴ ሹቕዳ ያኣፖናቴቀሴ።

4 ዬያ ኑ ጋዓሢ ኪሪሰቶሴ ዛሎና ያኦሲ ጉሙርቁኬ።

5 ኑ ማዳ ማዳ ማዳንዳጉዲ ዎልቁ ኑም ዒንጋሢ ያኦሲ ማዓንዳኣፓዓቴም ኩኒ ኑ ቶኦኪና ዓይጎዎ ማዳኒ ዎልቁ ኩኮ ባኣሴ።

6 ዓኮ ጫኣቁሞ ዎዶ ማዳ ኑ ማዳንዳጉዲ ማሄሢ ያኦሲኬ፤ ዬይ ያኣፒንቴ ዎጎናቴዎንቴ ዓያኖ ጌኤዢ ዛሎና ማዒያኬ፤ ያኣፒንቴ ዎጋ ዎዎዳኔ፤ ዓያኖ ጌኤዢ ጋዓንቴ ሹምፖ ዒንጋኔ።

7 ያኣፒንቴ ዎጎ ቆኦቁ ኮሾናሢ ዓርሲንቴ ሹጮይዳኬ፤ ዎጋ ዒንገንቴ ዎዶና ያኦሲ ቦንቻ ፔጋዲ ጴዳኔ፤ ሙሴኮ ዓኣፖ ካርይዳ ፖዔ ፖዓ ባይቁ ባይቁ ዓኣዳያ ማዒያ ዒሲራዔኤሌ ዓሳ ሙሴኮ ዓኣፖ ካር ኮሺ ዛጋኒ ደንዳዒ ባኣሴ፤ ዓካሪ ዎዳ ዎጋ ዬያጉዬ ቦንቻና ጴዳያ ማዒያ።

8 ዓያኖ ጌኤዢ ዛሎና ማዳንታ ማዳ ዎዚ ባሽ ቦንቻ ዓኣያ ማዓንዳይ!

3:3 ኬሲ. ማፃ 24:12፤ ዔር. 31:33፤ ሂዚ. 11:19፤ 36:26። 3:6 ዔር. 31:31።

3:7 ኬሲ. ማፃ 34:29።

9 ዓሶ «ዳቤኔ» ጌዒ ዋጋ ማዳ ዩያይዲ ቦንቺንታያ ማዕቴ ዓሶ ዳቂሻ ማዳ ዋዚ ባሼ ቦንቸ ዓኣያ ማዓንዳይ!

10 ቤርታ ቦንቺንቲያ ማዕ ማዳ ሃሢ ባሼ ቦንቺንቲ ማዳና ዋላ ቤኤዚ ዛጎዛ ቦንቸ ባኣ ባኣዚ ማዒ ጴዳኔ።

11 ዬይ ባይቃያ ማዕ ባካ ዬያጉዴ ቦንቸና ዓኣያ ማዕቴ ናንጊና ባይቁዋዖ ናንጋ ባኮኮ ባሼ ቦንቸ ዓኣኔ ጌይሢኬ።

12 ዬያጉዴ ሃጊ ማዓንዳ ዋዛ ኑኡኮ ዓኣሢሮ ዑሣ ዓኣዳ ጫርቂ ኑ ኬኤዛ።

13 ሙሴኮ ዓኣፖ ካራ ፖዓሢ ሃሻኣና ዒሰራዔኤሌ ዓሳ ዒዛኮ ዓኣፖ ካሮ ዴንቁዋጉዲ ዓኣፖ ካሮ ዒ ካንቃኔ፤ ኑኡኒ ጋዓንቲ ዒዛ ጉዲቱዋሴ።

14 ዒሰራዔኤሌ ዓሶኮ ዒና ዔኩዋያ ማዒ ጎኔና ዶጪ ዓኣኔ፤ ሃኖ ሃላንዳኣና ሚናኣ ጫኣቃሢ ማፃኣፖ ዔያታ ናባባኣና ዒና ዔያቶኮ ዬኖ ካንቆ ዓፒሌሎና ካንቁንታያኬ፤ ጋዓንቲ ዬና ካንቃ ባኬላ ባይቃንዳሢ ኪሪሰቶሴ ዛሎና ሌሊኬ።

15 ሃኖ ሃላንዳኣና ሙሴ ዔርዜ ዋጎ ማፃኣፖ ዔያታ ናባባኣና ዒና ዔያቶኮ ዬኖ ባኬሎና ካንቁንታኔ።

16 ጋዓንቲ ዬና ባኬላ ሺኢካኒ ዳንዳዓኔ፤ ጌኤዦ ማፃኣፖይዳ፡- «ሙሴ ጎዳ ባንሢ ማዓዛ ካንቃ ባኬላ ሺኢኬ»። ጋዓኔ።

17 ዬያሮ ጎዳ ጌይንቲሢ ዓያኖኬ፤ ጎዳኮ ዓያና ዓኣ ቤሰካ ዓይሉዋ ባኣሴ።

18 ዬያሮ ኑ ቢያሢ ጎዳኮ ቦንቸ ካንቁንቲባኣ ዓኣፒ ካራና ፖዒ፤ ፔጋሲ ዳዋኔ፤ ዓያና ማዕ ጎዳይዳፓ ጴዳ ሃይ ቦንቻ ቦንቸይዳ ቦንቸ ኑም ቃሲ ቃሲ ዓዳ ጎዳ ኑ ማላንዳጉዲ ማሃኔ።

4

ጾኦሲ ማዳም ዳኪንቲዞንሢኮ ጉሙርቂንቲ ማዳ

1 ጾኦሲ ፔ ኮሹዋና ሃያ ማዳ ኑም ዒንጌሢሮ ሃጋኣ ዋዛባኣ ዓሲ ኑ ማዓዓኬ።

2 ዔርቲባኣ ባኮና ቦርሳያ ማዕ ባኮ ኑ ሃሼኔ፤ ጌሺሢ ማዳም ኑ ማዳዋሴ፤ ጾኦሲኮ ቃኣሎ ሉኡዙዋ ባኣዚና ዋላ ኑ ሲኢሩዋሴ፤ ጋዓንቲ ጎኑም ፔጋሲ፤ ፔጋ ኬኤዛኔ፤ ማሊያ ኑኡሲያ ዓሲም ቢያ ፔጋሲ ፔጋሲ ጾኦሲ ቤርታ ኑ ናንጋኔ።

3 ኑ ኬኤዛኮዦ ሃይሳ ዔርቲዋያ ማዕቴያ ዔርቲዋያ ማዓሢ ባይቃ ዓሶምኬ።

3:13 ኬሲ. ማፃ 34:33። 3:16 ኬሲ. ማፃ 34:34።

4 ዔያታ ኑ ኬኤዛ ባኮ ጉሙርቁዋአሢ ሃያ ዓጮኮ ያኑሲ ማዔ፥ ዓላሄ ዒኖ ዔያቶኮ ባይዜሢሮኬ፤ ያኑሲ ማሎና ጴዳ፥ ኪሪሰቶሴ ቦንቾ ዛሎ ኬኤዚንቴ ኮዡ ሃይሶይዳፓ ጴዳፖ ዴንቁዋጉዲ ዔያቶ ማሄሢ ዒዛኬ።

5 ኑኡኒ ኬኤዛሢ ዩሱሰ ኪሪሰቶሴ ጎዳ ማዔሢና ኑኡኒያ ኑ ቶኦኪና ዩሱሴ ዛሎና ዒንሢም ማዳያ ማዒያ ማዓንዳኣፓዓቴም ኑ ዛላ ኑ ኬኤዙዋሴ።

6 ዓይጎሮ ጌዔቴ፡- «ፖዓ ዲሞይዳ ፖፖንጎ» ጌዔ ያኑዛሢ ኪሪሰቶሴ ማሎና ፖዓ፥ ያኑሲ ቦንቾ ዔርዛ ፖዒ ኑም ዒንገንጎዳጉዲ ፖ ዩኡኮ ዒኖይዳ ፖዒሄ።

ዖቲ ጋርካ ጌሢንቴ ኮይዚንጎ ማሄ

7 ጋዓንቴ ሃይ ዴኤፖ ዋልቃ ያኑሲዳፓ ማዓንዳኣፓዓቴም ኑኡር ማዒባአሢ ዔርታንዳጉዲ ሃያ ቦንቾ ባኮ ዖቲ ማዒ ኑ ዓርቁ ዓኣኔ።

8 ቢያ ዛሎና ሜታ ኑና ሄላኔ፤ ጋዓንቴ ኑ ባሺንቴዋሴ፤ ሚርጌና ዔርቲ ዒያ ባኣዚ ኑ ጊዳ ሙካኔ፤ ማዔቴያ ኑ ሃጊ ማዓንዳ ዋዛ ባይዙዋሴ፤

9 ኑና ዒያ ዓሳ ዳውሳኔ፤ ጋዓንቴ ላጌ ኑ ባይዚ ቤቁባኣሴ፤ ጳዲንጎት ኑ ሎኦማኔ፤ ጋዓንቴ ኑ ባይቁዋሴ፤

10 ዩሱሴኮ ሃይቦ ባሺ ሸምፓሢ ኑ ዑፃ ፔጋዲ ዔርታንዳጉዲ ቢያ ዋይ ዩሱሴኮ ሃይቦ ኑ ዑፃ ኑ ኬዲ ሃንታኔ።

11 ዒዛኮ ሃይቦ ባሺ፥ ሸምፓሢ ኑኡኮ ሃይቃ ዑይይዳ ፔጋዲ ዔርታንዳጉዲ ጌዒ ኑኡኒ ሃሢ ሸምፖና ዓኣ ዓሳ ቢያ ኬሊ ዩሱሴ ዛሎሮ ሃይቁፖ ዓቲ ዓቲ ዓኣኔ።

12 ዓካሪ ኑኡኒ ሃይቁፖ ዓቲ ዓቲ ናንጋኔ፤ ዒንሢ ጋዓንቴ ሸምፖና ናንጋኔ።

13 ጌኤዡ ማፃኣፖይዳ፡- «ታ ጉሙርቃሢ ኬኤዜኔ» ጌይንጎት ያኣፒንቴሢ፡- ኑኡኒያ ዩኖ ዓያኖና ጉሙርቃኔ፤ ዩያር ኑ ኬኤዛኔ።

14 ጎዳ ዩሱሴ ሃይባፓ ዔቁሴ ያኑዛሢ ኑናኣ ዩሱሴና ዋላ ዔቁሴ፥ ዒንሢና ዋላ ፔ ቤርቶ ሺኣሻንዳሢ ኑ ዔራኔ።

15 ዩይ ቢያ ዒንሢ ማኣዳንዳጉዲ ማዔኔ፤ ያኑሲኮ ኮሹሞ ዒንገፃ ሚርጌና ዓሰም ዒንገንጎት ዒንገንጎት ዓኣሢ ዩይ ዓሳ ያኑሲ ሚርጌና ጋላታንዳጉዲና ቦንቻንዳጉዲኬ።

ጎዳ ጉሙርቁ ናንጊሢ

16 ዬያሮ ኑ ሃጋአ ዋዛባአ ዓሲ ማዓዓኬ፤ ዋዚ ኑኡኮ ዙላ ጴዳ፤
ዑፃ ባይቃያ ማዔቲያ ጋሮ ዑፃ ኑኡኮ ቢያ ከሌ ዓካዳኔ።

17 ዋይቲ ጌዔቲ ሃይ ሹሌዔ፤ ሃሣ ዳካ ዋዴሮ ማዔ ሜታሢ
ቤቃያባአ፤ ናንጊና ናንጋ ቦንቾ ኑም ጴዲሻንዳኔ።

18 ኑኡኒ ዛጊ ዓአሢ፡- ጴዳ ባኮቱዋንቴ ጴዲዋ ባኮኬ፤ ዓይጎሮ
ጌዔቲ ጴዳ ባካ ሃሣአ ባአዚ ሌሊኬ፤ ጴዲዋ ባካ ጋዓንቴ ናንጊና
ባይቁዋ ባአዚ ማዔሢሮኬ።

5

1 ሃይ ዉልሻ ማላ፡ ዳካ ዋዴሮ ማዔ ዑፃ ኑኡኮ ባይቁቲያ ዓሲ
ማዙባአያ፡ ያኑሲ ማዜ ናንጊና ናንጎ ማአሪ ኑኡኮ ጫሪንጮይዳ
ዓአሢ ኑ ዔራኔ።

2 ሃይካ ሳፆይዳ ኑ ዓአፆ ጫሪንጮይዳ ዓአ ማአሮ ኑኡኮ ጌላኒ
ኮዒ ሚርጌና ማሊ ኑ ሜታዳኔ።

3 ዬያ ማአሮይዳ ኑ ጌሌ ዋዶና ማአሪባአያ ካሎ ኑ ማዓዓኬ።

4 ሃያ ዉልሻጉዴ ማአሮይዳ ኑ ናንጋ ናንጋ ዴኤፃም፡ ኑ ሚርጌና
ማሊ ሜታዳኔ፤ ኑ ዬያይዲ ማሊ ሜታዳሢያ ኑኡኮ ሃይቃ ዑፃ ናንጎና
ዔኤዲንቶም ጊዳ ቃቃሳኒ ማዓንዳፓዓቲም ኑፓ ሹኢሻኒቱዋሴ።

5 ያዲ ማዓንዳጉዲ ኑና ጊኢጊሹሢ ያኡሲኬ፤ ኑም ሃጊ ማዓንዳ
ባኮኮ ቢያ ዓይሢ ባአዚ ማዓንዳጉዲ ፔኤኮ ዓያኖዋ ኑም ዒንጌሢ
ዒዛኬ።

6 ኑኡኮ ሳፆይዳ ናንጎ ማአሮ ማዔ ዑፃና ኑ ዓአ ዋዶማና ጎዳይዳፓ
ኑ ሃኪ ናንጋሢ ዔራያ ማዔቲያ ቢያ ዋዴ ዒጊጩዋፆ ጎዳ ጉሙርቁ ኑ
ናንጋኔ።

7 ኑኡኒ ናንጋሢ ጎዳ ጉሙርቁሢና ማዓንዳፓዓቲም
ዛጊሢናቱዋሴ።

8 ሃያ ኑኡኮ ማአሮ ማዔ ዑፃይዳፓ ዲማዲ ጎዳና ናንጋኒ ኑኡኒ
ኮዓኔ፤ ጫርቁኬ ኑ ጌሰታሢ።

9 ዬያሮ ሃያ ኑኡኮ ዑፃና ኑ ዓአቲያ ዲማዲ ኑ ናንጌቲያ ኑኡኮ
ማሊፃ ጎዳ ዋዛሲሢኬ።

10 ፔቲ ፔቲሢ ፔ ናንጌ ዋዶና ማዴማ ጉዴያ፡ ኮሺ ማዔቲያ ፑርታ
ማዴ ማዴ ዛሎ ዒንጊንታ ባኮ ዔካኒ ኪሪሰቶሴኮ ዋጎ ዋጎ ቤዞ
ሹኢኪ ዔካንዳኔ።

ኪሪሰቶሴ ዛሎና ጊኢጊሹሢ ማዴ

11 የኦሲ ዲጊጩህ ዋዚ ገይህታቱያ ኑ ዔራህረ ዓሳ ኑ ጋዓ ባኮ ጎኔኬ ገይ ዔካንዳጉዲ ኑ ማዳኔ፤ ኑኡኒ ያናንህታቱያ የኦሲ ኑና ዔራኔ፤ ዲንህያ ሃሃ ዲንህ ዲኖና ኑኡኒ ያናንህታቱያ ዔራኔ ገይ ታ ማለኔ።

12 ጋርሲ ዲናይዳ ዓአ ባአዚቱዋንቴ፥ ዙላ ዓሲም ጴዳ ባአዚና ሄርሺንታ ዓሲም ዲንህ ማሂ ኬኤዛኒ ኑኡና ዲንህ ሄርሺንታንዳጉዲ ማዓንዳአፓዓቱም ላሚ ገንህ ኑኡኮ የኑም ዲንህም ኑ ኬኤዛኒቱዋሴ።

13 ኑ ዣአሸካ ዓሲ ማዔቱያ የኦሲሮ ገይኬ፤ ሃሃ ዲናና ዓአ ዓሲ ኑ ማዔቱ ዲንህረ ገይኬ።

14 ኪሪሰቶሴኮ ናሹማ ኑና ዬያ ማዲሻኔ፤ ፔቲህ ሲያህ ዛሎ ሃይቄህረ ሲያህ ዲዛና ዋላ ሃይቄያ ማዔህ ኑ ዔራኔ።

15 ሸምፔና ዓአዘንህ ሲያ ዔያቶ ጋይቲ ሃይቄ ሃይባፓ ዔቄህም ናንጋንዳአፓዓቱም ሃይካፓ ሴካ ፔኤም ጌዒ ናንጉዋጉዲ ኪሪሰቶሴ ሲያህም ሃይቄኔ።

16 ዬያሮ ሃይፓ ሴካ ያናአ ኑ ዓሲ ዛጋ ዓአፒና ዛጋዓኬ፤ ሃያኮ ቤርታ ኪሪሰቶሴ ኑ ዛገህ ዓሲ ዛጋ ዓአፒና ማዔቱያ ሃካፓ ሴካ ጋዓንቴ ኑ ዛጋንዳህ ዬያ ጎይዖቱዋሴ።

17 ዬያሮ የኦኒያ ኪሪሰቶሴና ዋላ ፔቲ ማዔቱ ዓኪ ማዢንቴኬ፤ ቤርታአ ባካ ዓአዳኔ፤ ዬያ ቤዞ ዓኪ ባአዚ ዓርቄኔ ገይህኬ።

18 ዬይ ቢያ ያዲ ማዔህ ኑና ፔኤና ዋላ ኪሪሰቶሴ ዛሎና ገአገሼህና፥ ገአገሼዖ ማዶዋ ኑም ዲንጌ የአዛህ ዛሎናኬ።

19 ዬይያ የኦሲ ኪሪሰቶሴ ዛሎና ዓሶ ቢያ ፔኤና ዋላ ገአገሼኔ ገይህኬ፤ ሃሃ ዳቢንቶዋ ዔያቶኮ ዓርቄባአሴ፤ ኑኡማአ ዬያ ዓሶ ገአገሻ ቃአሎ ዲንጌኔ።

20 የኦሲ ዓሶ ፔ ባንህ ኑ ዛሎና ዔኤላህረ ኑኡኒ ኪሪሰቶሴ ዛሎ ማዒ ገሰታያኬ፤ ዬያሮ፡- «የኦሲና ዋላ ገአጉዋቱ» ጌዒ ኪሪሰቶሴ ሱንዖና ኑ ዲንህ ሸኢቃኔ።

21 ኑኡኒ ኪሪሰቶሴና ዋላ ፔቲ ማዒ የኦሲ ዒሎም ዴንቃንዳጉዲ ጎሜባአ ኪሪሰቶሴ ኑኡኮ ጎም ኬዳንዳጉዲ የኦሲ ማሄኔ።

6

1 የኦሲና ዋላ ኑኡኒ ማዳያ ማዔያታህረ፡- «ዲንህ የኦሲዳፓ ዔኬ፥ ዒ ፔ ኮሹምና ዲንጌ ዲንጊዖ ጉሪ ማሂፖቱ» ገይ ኑ ዲንህ ሸኢቃኔ።

2 የኦሲ ኬኤዛዖ፡- «ታ ኔኤም ኮሺ ባአዚ ማዳንዳኔ ጌዔ ኬላ

ሄሌ ዋደማና ታ ኔኤም ዋይዘኔ፤
 ታ ኔና ደቁሻንዳኔ ጌዔ ኬላ
 ሄሌ ዋደማና ታ ኔና ማአዴኔ» ጋዓሢሮ

«ሃይሾ ዓካሪ ጌይንቱ ዎዳ ሃያከ፤
 ዳቂንቶ ኬላአ ሃናከ።»

3 ኑ ማዳ ማዳ ቦሂንቱዎጉዲ ዓይጎ ባአዚና ማዔቴያ ያኦማአ ዲቆ ኑ ማዓዓከ።

4 ጋዓንቱ ኩና ሄላ ሜቶና ሄላ ባኮ ቢያ፤ ሃሣ ዋአዪጎ ሜቶ ቢያ ገቢ ዳንዳዒሢና ያኦሲም ማዳ ዓሲ ማዒያ ቢያ ዛሎና ኑ ፔጋሲ ዔርዘከ።

5 ያኦሲም ማዳ ዓሲ ማዒያ ኑ ዔርዘሢሢ፡- ዠራፓና ጳዲንቱ፤ ቱኡቱ፤ ዓሲና ዣሊ፤ ሚርጌ ማዲ ላቢንቱ፤ ጊንያ ዓቲሢና ናይዲንቲሢናከ።

6 ዬያጉዲ ሃሣ ጌኤሹሞና፤ ዔራቶና፤ ገቢ ዳንዳዒሢና፤ ኮሹሞና፤ ዓያና ጌኤሹ ደዋ ጎይያ ሃንቲሢና፤ ጎኔ ናሹሞና፤

7 ጎኔ ባኮ ኬኤዚሢና ያኦሲ ዎልቁና ማዲያናከ፤ ዔኤቢ ባሻኒ ማዔቴያ ኑ ጊዳ ሙካ ባኮ ላአጋኒ ዳንዳዒጎ ዓንጋሞ ኑኡኮ ማዓሢ ዒሉሞከ።

8 ቦንቸንቲሢና ዳውሲንቲሢና ጋላቲንቲሢና ጫሽኪንቲሢና ኑ ናንጌኔ፤ ሃሣ ኑ ጎኔ ኬኤዛ ዓሲታያ ለኡዚ ዓሲ ጌይንቱኔ፤

9 ኑ ዔርጌቱ ዓሲታያ ዔርጌታባአ ዓሲ ማዔኔ፤ ሃይቄኔ ኑ ጌይንቱያታያ ሃሢ ሹምፔና ኑ ዓአኔ፤ ኑኡኒ ጳርቂንቱቴያ ኩና ዎዲቦኦሴ፤

10 ኩና ያዪሶናያ ማዔቴያ ቢያ ዎዴ ኑ ዎዎዛዲያከ፤ ኑ ማንቆ ዓሲታያ ሚርጌሢ ኑ ያርጎታኔ፤ ዓይጎ ባአዚያ ባአ ዓሲታያ ቢያ ባካ ኑኡሮ ማዔያከ።

11 ዒንሢ ቆርንቶሴይዳ ናንጋ ዓሳ! ታ ዒንሢም ፔጌና ኬኤዘኔ፤ ዒኖ ኑኡኮ ኑ ዒንሢም ደቂ ሃሹኔ።

12 ዒንሢ ዒንሢኮ ዒኖ ኑም ደቂ ሃሹባኦፓዓቴም ኑ ዒኖ ዒንሢም ደቂ ኑ ሃሹኔ።

13 ታኦኮ ዒንሢ ናኦቶ ማዔሢሮ ታ ዒንሢም ኬኤዛሢ፡- «ዒንሢያ ዒማይዲ፤ ሚርጌና ዒኖ ዒንሢኮ ኑም ደቂ ሃሻንዳጉዲ» ጌይከ።

ኪሪሰቶሴ ጉሙርቁዎ ዓሶና ዎላ ፔቱሞ ላአጊንቲያ

14 ኪሪሰቶሴ ጉሙርቁዎ ዓሶና ዎላ ኮይሱዎ ጎይሢና ፔቱ ማዒፖቱ፤ ዒሉሞና ጎሚና ፔቱ ማዒኒ ዳንዳዓ? ፖዒና ዲሚና ዎላ ዎዲ ናንጋኒ ዳንዳዓይ?

6:2 ዒሲ. 49:8። 6:5 ዳኪ. ማዶ 16:23።

15 ኪሪሰቶሴና ዲያሎቢኦስና ዎይቲ ዎላ ገኢጋኒ ዳንዳዓይ? ኪሪሰቶሴ ጉሙርቃ ዓሲና ጉሙርቁዎ ዓሲና ዎይቲ ፔቲ ማዓኒ ዳንዳዓይ?

16 የኦሲኮ ጌኤዠ ማኣሮና ሜሌ የኦዘናኮ ዓይጎ ፔቱሞ ዓኣይ? የኦሲ:-

«ታ ናንጋ ማኣሮ፥ ታ ዴሮ ባኣካ ታ ማሃንዳኔ፤ ዔያቶና ዎላ ታ ናንጋንዳኔ፤

ታ ዔያቶኮ የኦዘሢ ማዓንዳኔ፤ ዔያታኣ ታ ዴሪ ማዓንዳኔ»

ጌዔሢጉዲ ኦኡኒ ባይቁዎ የኦዘሢም ዲማጄ ማኣሪኬ።

17 ሃሣ የኦሲ ኬኤዘየ:-

«ዔያቶ ባኣካፓ ዲማጄ ኬሰኩዎቲ፥ ዒኢቲ ባኮ ካኣሚፖቲ፤ ታኢኒያ ዒንሢ ታ ዓሲ ማሃንዳኔ፤

18 ታ ዒንሢኮ ዓዶ ማዓንዳኔ፤ ዒንሢ ታኣኮ ዓቲንቆና ዉዲሮ ናኣቶና ማዓንዳኔ፤ ጋዓኔ፤ ቢያ ባኣዚ ዳንዳዓ ጎዳሢ።»

7

1 ዓካሪ ታ ዒጊኖንሢየ፡፡ ሃይ ቢያ ሃጊ ማዓንዳ ዎዛ ዒንጊንቲሢ ስም ማዔሢሮ ዓሲኮ ዑሢና ዓሲኮ ጋሮ ዓያናና ዒኢጎ፥ ዓይጎ ባኣዚዳፓኣ ኦ ቶኦኮ ኦ ጌኤሾም፤ የኦሲ ዒጊጨሢና ዒዘም ኦኡኮ ዲማጄያ ዔርቲያ ኦ ማሆም።

ጳውሎሴ ዎዛጄ ዎዛ

2 ዒኖ ዒንሢኮ ኦም ጳዊ ሃሹዎቲ፤ የኦማኣ ኦ ፑርታ ማጂባኣሴ፥ የናኣ ኦ ጳቢሲባኣሴ፤ ሃሣ የናኣ ኦ ጌሺ ዎልቆ ሙይባኣሴ።

3 ዬያ ታ ጋዓሢ፡- «ዒንሢ ጳቤኔ» ጋዓኒ ጌይቱዎሴ፤ ዓይጎሮ ጌዔቲ ሃያኮ ቤርታ ኦ ዒንሢም ጌዔሢጉዲ ዒንሢ ኦ ዒናፓ ባይቁባኣሴ፤ ዬያሮ ኦ ናንጌቲያ ሃይቁቲያ ቢያ ዎዴ ዒንሢና ዎላኬ።

4 ዒንሢ ታ ኮሺ ጉሙርቃኔ፤ ሃሣ ዒንሢና ታ ኮሺ ሄርሺንታኔ፤ ኦ ሜታጳኣና ቢያ ጳኤጌ ዶዲሞ ታ ዴንቃኔ፤ ታ ዎዛጄ ዎዘኮዎ ጋፒንሢ ባኣያኬ።

6:16 ለዊ. ዓከ 26:12፤ ሃዚ. 37:27፤ 1ቆሮ. 3:16፤ 6:19። 6:17 ዒሲ. 52:11።

6:18 2ጎሙ. 7:14፤ 1የኦሲ. ዓሃኬ 17:13፤ ዒሲ. 43:6፤ ዔር. 31:9።

5 ማቅደኒያ ኑ ሄሌያናታዎ ሚርጌ ዛላና ማታ ኑና ሄሌያጋዓቴም ሃውሽሢ ኑኡኮ ባኣያ ማዕኔ፤ ዙላ፡ ማሌ ዓሳጋ ሙካ ባኮና ሃሣ ኑ ዒና ኑና ዒጊቻ ባኮና ኑ ሚርጌ ማታዕኔ።

6 ጋዓንቴ ያያ ዓሶ ደዲሻ፡ ያኦዛሢ ቲቶ ኑ ኮራ ዳኪያና ኑና ደዲሹኔ።

7 ኑ ደዳሢ ዒዛኮ ኑ ኮራ ሙኪያና ሌሊ ማዒባኣንቴ ዒንሢ ዒዛ ደዲሹያ ማዕሢያ ኑ ዋይዜሢሮኬ። ሃሣ ዒንሢ ታና ጸቂሣሢያ፡ ታ ዛሎሮ ዒንሢ ያያያ፤ ገንሣ ሃሣ ታና ሚጩንቴ ዒንሢ ማላ ማሊያ ኑም ዒ ከኤዛዛ ሚርጌና ታ ዋዛዕኔ።

8 ሃያኮ ቤርታ ታ ዒንሢም ጻኣፔ ኪኢታ ዒንሢ ያይሴያ ማዕቴያ ዩያ ጻኣፔያና «ዳቤኔ» ታና ታ ጎዑዋሴ፤ ታ ታና «ዳቤኔ» ጌዔቴያ ዩይ ታ ጻኣፔ ኪኢታ ዳካ ዋይሮ ሌሊ ዒንሢ ያዩሴሢ ታ ዔሪኔ።

9 ሃሢ ታ ሚርጌና ዋዛዕኔ፤ ታ ዋዛዕሢያ ዒንሢ ያዩሴሢሮቴዋንቴ ዒንሢኮ ያዩፃ ዒንሢኮ ዳቢንቶ ዒንሢም ዔርዜም፡ ዒንሢ ዩያጋ ማዕያታሢሮኬ፤ ዓካሪ ዒንሢኮ ያዩፃ ያኦሲ ማላሢጉዲ ማዕሢሮ ዓይጎዋ ኑ ዒንሢም ፑርቲሲባኣሴ ጌይሢኬ።

10 ያኦሲ ማላሢጉዲያ ማዕ ያዩሢ፡- ዳቂንታ ባንሢ ዔኪ ሙካ፡ ጎማ ቡኡዳም ገኢጊሻሢሮ «ዓይጋ ዩይ ማዕይ» ጌይሳያቴዋሴ። ሃያ ዓጮ ዛሎና ሙካ ያዩሢ ጋዓንቴ ሃይቢ ዔኪ ሙካኔ።

11 ዩይ ያኦሲ ማሊያ ጉዲያ ማዕ ያዩፃ ደዲ ዒንሢ ማላንዳጉዲና ዳቢንቲባኣያ፡ ጌኤሽ ዒንሢ ማዕሢ ዔርዛንዳጉዲ ዒንሢ ማሃኔ፤ ዩያጉዲ ሃሣ ጎማ ማዕ ባኣዚ ዒንሢ ዒፃያ ማዕንዳጉዲ፡ ታ ዙሮ ዒንሢ ዒጊጩ ዔካንዳጉዲ፡ ታና ዒንሢ ጸቂሣንዳጉዲ፡ ዓያና ዓኣ ማላሢና ፒዜ ዒንሢ ዋጋንዳጉዲና ዳቢንቴሢያ ዒንሢ ጎራንዳጉዲ ዒንሢ ማሃኔ። ዩያ ባኮ ቢያና ዒንሢ ጌኤሽ ማዕሢ ዒንሢ ዔርዜኔ።

12 ዓካሪ ታ ዒንሢም ጻኣፔሢ፡- ኑ ዛሎ ዒንሢ ማላ ማሊያ ያኦሲ ቤርቶይዳ ጌኤሽ ማዒ ዒንሢም ጴዳንዳጉዲ ማዕንዳኣጋዓቴም ዳቢንቴ ዓሲና ፑርታ ባኣዚ ማዳንቴ ዓሲና ዛላቴዋሴ።

13 ኑ ደዳሢያ ዩያ ዛሎናኬ። ሃሣ ኑኡኮ ደዳማጋ ባሽ ቲቶ ዋዛዕሢሮ ሚርጌና ኑዋ ዋዛዕኔ፤ ዓይጎሮ ጌዔቴ ዒንሢ ቢያሢ ቲቶ ደዲሹያና ዒዛኮ ዒና ሃውሽሴሢሮኬ።

14 ዒንሢሢ ታ ሄርሽንታ ሄርሽንቶ ቲቶም ታ ከኤዜኔ፤ ዒንሢ ታና ዩያና ቦርሲሲባኣሴ። ቢያ ዋይ ኑ ዒንሢም ከኤዛ ባካ ጎኔ ባኣዚ ማዕሢጉዲ፡ ዒንሢ ዛሎ ሄርሽንቲ ቲቶም ኑ ከኤዜ ባካ ጎኔ ማዕሢ ዔርቴኔ።

7:5 2ቆሮ. 2:13።

15 ቢያህ ዲንህ ዳይህንታያታህና ዲጊቹሞና ጎጋይቁ ዲንህ ዲዛ ሾኦቹንህ ዴኬህ ዲዚ ጳቂህእና ዲንህ ዲ ዑህ ዓኣጳ ናሽካንዳጉዲ ማሄኔ።

16 ታኣኒያ ጉቤ ባኣዚና ዲንህ ጉሙርቃኒ ዳንዳዒያና ሚርጌ ዎዛጳኔ።

8

ኪሪሰቶሴ ጉሙርቃ ዓሶኮ ማኣዳህ ዲንጊያ

1 ታ ዲሾንህ! ታ ሚሾንህ! የኦሲ ማቄደኒያይዳ ዓኣ፡ ኪሪሰቶሴ ጉሙርቃ ሸኢጲያ ማኣሮ ዓሶም ዲንጌ ኮሹሞ ዲንጊያ ዲንህ ዴራንዳጉዲ ኑ ኮዓኔ።

2 ደዲ ሜታ ዴያቶ ሄሌያ ማዕቲያ ዴያታ ሚርጌና ዎዛጳያከ፤ ሃህ ኮሺ ዴያታ ማንቆ ማዕቲያ ኮሹሞና ዴያታ ዲንጌ ዲንጊያ ሚርጌኬ።

3 ዴያቶም ዳንዳዲንታህጉዲቱዎንቴ ዑህ ዓኣህ ፔ ናሹሞና ዴያታ ዲንጌህ ታ ዴያቶ ዛሎ ማርካዳኔ።

4 ዪሁዳይዳ ዓኣ፡ ኪሪሰቶሴ ጉሙርቃ ዓሶ ዴያታ ማኣዳኒ ኮዒ ሚርጌና ኑና ሸኢቄኔ፤

5 ዴያታ ማጳ ባኮ ኑ «ዴያታ ማጳንዳያ ናንዳኔ» ጌዒ ማሌሰካፓ ዑህኬ፤ ዴያታ ቤርታሲ ፔና ጎዳህም ዲንጌኔ፤ ዩካፓ ጊንህ የኦሲ ማሊያጉዴያ ፔ ቶኦኮ ኑም ዲንጌኔ።

6 ዩያ ማዶ ቤርታ ማዲሾ ዓርቄህ ቲቶ ማዕህሮ ሃህ ዩይ ዲንህ ኮሹሞና ዲንጋ ዲንጊያ ጋፒንህ ሄሊሲ ዲ ማዲሻንዳጉዲ ኑ ዲዛ ሸኢቄኔ።

7 ዲንህ ኪሪሰቶሴ ጉሙርቄያና ማዖም ጌሰቶ ጌኤሲና፡ ዴራቶና፡ ዓሲ ማኣዳኒ ዲንህኮ ዓኣ ደደ ማሊያና፤ ሃህ ኑና ዲንህ ናሽካ ናሹሞና ማዕቲያ ጳኤፒ ማጳ ዲንህ ማጳህጉዴያ ዩያ ኮሹሞና ዲንህ ዲንጊ ማጳ ማጳናኣ ዲንህ ደዳንዳጉዲ ኑ ኮዓኔ።

8 ዓካሪ ዩያ ታ ጋዓህ ዳይሥህ ኪኢታ ማሂቱሞሴ፤ ጋዓንቴ ሜሌ ዓሳ ደዲ ዲንጋ ዲንጊያና ዲንህና ዎላ ቤኤዚ ዛጌ ዲንህኮ ጎኔ ናሹሞ ዴራኒ ታ ኮዓህሮ ጋዓኔ።

9 ዲንህ ኑ ጎዳህ፡ ዩሱሰ ኪሪሰቶሴ ኮሹሞና ዲንጌ ጳኤፖ ዲንጊያ ዴራኔ፤ ዲዚ ሚርጌ ዖርጎቹታዎ ዲንህ ዖርጎቻኒ ዲንህ ዛሎሮ ጌዒ ማንቆ ማዕቲያ።

10 ዬና ዛሎና ዲንሢም «ኮሺ ማዕንዳኔ» ጌዲ ታ ማላ ዘሮ ዲንሢ ታ ዘራኔ፤ ሂናኣቤሬ ዲንጊያና ሌሊቱዋንቴ ዲንጋኒ ማሊያናኣ ቤርቲ ማዕ ዓሳ ዲንሢኬ።

11 ዬያሮ ዲንሢ ዲንጋኒ ናሹሞና ዔቁ ማሊፃ ማዲንቴያ ማዒ ጋፒንሢ ሄላንዳጉዲ ዲንሢኮ ዓኣ ጎይያ ዬያ ዲንሢ ማሌ ማዲ ሃሢ ማዲያቱ።

12 ናሹሞና ዲንጋኒ ማሊሢ ዓኣቴ ዓሲኮ ዲንጊሢ ያኦሲ ቤርታ ዔውቴያ ማዕሢ ዓሢ ፔኤኮ ዓኣ ጎይያ ዲንጋዛ ማዕንዳኣፓዓቴም ባኣ ባኣዚ ዲንጋንዳኔ ጌይያናቱዋሴ።

13 ዬያ ታ ጋዓሢ ቢያሢ ዲንሢ ሄኮ ማዕንዳጉዲ ማዕንዳኣፓዓቴም ዲንሢ ዲንጊያና ሜቶይዳ ጌሌም ማኣዲንታ ዓሳ ሜታባኣያ ዳዓንዳጉዲ ጌይቱዋሴ።

14 ሃሢ ዲንሢኮ ዓኣ ባኣ ዔያቶ ሜታሢ ማኣዳያ ማዖንጎ፤ ሃሢ ዲንሢ ሜታጌ ዋዶና ዔያቶኮ ዓኣ ባኣ ዲንሢ ሜታሢ ማኣዳያ ማዖንጎ፤ ዬያይዲያና ዲንሢኮ ባኣካ ሄኩሞ ዓኣያ ማዕንዳኔ።

15 ዬይያ:-
«ሚርጌ ቡኩሲ ዔኬሢም
ዑሢ ዓኣዳ፣ ዲቢባኣሴ፤
ዳካ ቡኩሲ ዔኬሢማኣ
ፓጩ፣ ዳኪባኣሴ» ጌይንቲ ፃኣፒንቴሢጉዲኬ።

ቲቶኮ ቆርንቶሴ ዳኪንቲያ

16 ታ ዲንሢም ማላሢጉዲ ቲቶዋ ዲንሢም ማላንዳጉዲ ማሄ ያኦዛሢ ጋላቲንቶጎ።

17 ሃሢ ቲቶ ዲንሢ ኮራ ዳንዳሢ ፔኤሮ ናሽኪኬ፤ ኑ ዒዛ ዳንዶም ሺኢቃሢሮ ሌሊቱዋሴ።

18 ኮዠ ሃይሶ ኬኤዚያና ኪሪሰቶሴ ጉሙርቃ ዓሶ ሺኢጲያ ማኣሮይዳ ቢያ ዔርቱ፣ ዲሻሢ ዲዛና ዋላ ኑ ዳካንዳኔ።

19 ዲዚ ዬይ፣ ዲሻሢ ኑኤኒ ዬያ ኮዠ ማዲ ጎዳ ቦንቾም ማዳኣና፤ ሃሢ ኑ ማዳኒ ናሹሞና ዔቃኣና ኑኤና ዋላ ዒ ዓኣዲ ማዳንዳጉዲ ሺኢጲያ ማኣሮ ዓሳ ዲዛ ያኦሬያኬ።

20 ዬያ ዲንጎና ሚኢሾ ዓርቁ ማዳይዳ ኑ ፔኤሻ ዋዶና ኑ ዳንኪንቴዋጉዲ ኮሺ ኑ ሂርጊ ካፓኔ።

21 ዓይጎሮ ጌዔቴ ማሊፃ ኑኡኮ ጎዳ ቤርታ ሌሊቱዋንቴ ዓሲ ቤርቲዳኣ ኮሺ ማዕ ባኣዚ ማዳኒታሢሮኬ።

22 ሚርጌ ዋዴ ሚርጌ ባኣዚና ጉሙርቁንታያ ማዒፃ ዛጊንቴም ደዲ ማዒ ጴዴ፣ ዲሻሢያ ቲቶንሢና ዋላ ኑ ዳኬሢ ዬያሮኬ፤ ዲዚ

8:15 ኬሲ. ማፃ 16:18። 8:21 ኮኣኪ. 3:4።

ዲንሢ ሚርጌና ጉሙርቃሢር ሃሢ ዲንሢ ዲ ማአዲኒ ዶዲ ማላ ማሊ፣ ኮሺ ዳኤፒኮ።

23 ቲቶ ዛሎ ዔራኒ ያኤጫ ዓሲ ዓአቲ ዒዚ ዲንሢ ማአዲኒ ታአና ዎላ ማዳ ታአኮ ላጌኬ፤ ዒዛና ዎላ ዲንሢ ኮይላ ሙካንዳ ዒሾንሢ ዛሎ ማዔቴ ዔያታ ኪሪሰቶሴ ጉሙርቃ ዓሶ ሺኢጲያ ማአርይዳፓ ዳኪንቴያ፣ ኪሪሰቶሴ ቦንቸሳያኮ።

24 ዬያር ዲንሢ ዔያቶ ናሽካያ ማዒያ ፔጋሲ ዔርዙዎቴ፤ ሃንጎ፣ ኪሪሰቶሴ ጉሙርቃ ሺኢጲያ ማአር ዓሳ ዬያ ዔርንጎ፤ ኑኡኒያ ዲንሢና ሄርሺንታ።

9

ኪሪሰቶሴ ጉሙርቃ ዓሶ ማአዲኒ ኬሶና ሚኢሾ

1 ዪሁዳ ዓጮይዳ ዓአ፣ ኪሪሰቶሴ ጉሙርቃ ዓሶ ማአዲኒ ዲንሢ ኬሴ ሚኢሾ ዛሎ ታ ዲንሢም ፃኣፓንዳያ ኮይሱዋሴ፤

2 ዲንሢ ዓካይያይዳ ዓአ ዓሳ ሜሌ ዓሲ ማአዲኒ ዲንሢኮ ኮሺ ማሊሢ ዓአሢ ታ ዔራሢር «ዓካይያይዳ ዓአ ዓሳ ሂናኣ ቤራፓ ዓርቃያ ሜሌ ዓሲ ማአዲኒ ጊኢጊንቲ ዓአያኮ» ጌዒ ታ ማቄደኒያ ዓሶም ጫርቂ ኬኤዜ፤ ዲንሢኮ ኮሺ ማሊሢና ዔቂ ማዒያ ሜሌ ዓሶ ኮሺ ማዳንዳጉዲ ጳቼ።

3 ዓካሪ ኑ ዲንሢና ሄርሺንቲ ጌዔ ጌኤዛ ጉሪ ማዐቀጉዲ ሃንሢ ዲሾንሢ ታ ዲንሢ ኮይላ ዳኬ፤ ዲንሢያ ታ ዲንሢም ቤርታ ኬኤዜሢጉዲ ጊኢጊንቲ ካፑዎቴ።

4 ማቄደኒያ ዓሳ ታአና ዎላ ዲንሢ ኮይላ ሙካ ዎዶና ዲንሢ ጊኢጊንቲባኣያ ማዒ ዓአንቴ ዳንቄቴ ኑ ዲንሢና ሄርሺንቲ ኬኤዜ ባኮና ኑናንታ ዲንሢንታ ዎላ ቦርሲንታንዳ።

5 ዬያር ዲንሢ ዲንጋንዳ፤ ጌዒ ናኣቤ ባኮ ቤርታዲ ዲንሢ ጊኢጊሻንዳጉዲ ዲንሢም ጳቂሢ ኬኤዘም ጌዒ ሃንሢ ዲሾንሢ ቤርታሲ ዲንሢ ኮይላ ዔያቶ ሺኢቂ ዳካኒ ኮይሳያታሢ ታ ዔራሬ፤ ዬያይዳም ታኣኒ ሙካ ዎዶና ዲንሢ ዲንጋኒ ጌዔ ባካ ዲንጊንቲ ጊኢጌያ ማዓንዳ፤ ዲንሢ ዲንጋሢያ ዓሲ ዎልቃዳምቱዋንቴ ናሹዎና ዲንጋያ ማዒ፣ ዔርታንዳ።

6 «ዳካ ዜርሢ ዜርቄሢ ዳካ ሃአኮ ዔካንዳ፤ ሚርጌ ዜርሢ ዜርቄሢ ሚርጌ ሃአኮ ቡኩሲ ዔካንዳ።» ጌይንቴሢ ጳቂሢዎቴ።

7 ያኦሲ ናሽካሢ ዎዛና ዲንጋ ዓሲ ማዔሢር ፔቴ ፔቴሢ ዲንጋኣና ፔ ዒና ናሽኬሢጉዲ ማዓንዳ፣ፓዓቴም «ዓይጎር ታ ዲንጋይ?» ጌዒ ጌዒ ዓሲ ዲንጎም ጌዒ ዎልቃዳም ዲንጎ።

8 ዲንሢ ሲያ ዎዴ ኮይሳ ባኣዚ ሲያ ዴንቁ፥ ኮሺ ማዶ ሲያ ማዳንዳጉዲ ዓንጅ ዲንሢም ያኦሲ ዲንጋኒ ዳንዳዓኔ፤

9 ዬይያ፡-

«ማንቆ ዓሰም ኮሹሞና ዲዚ ዲንገኔ፤

ዲዛኮ ኮሹማ ናንጊና ናንጋኔ»

ጌይንቲ ያኣፒንቴሢጉዲኩ።

10 ዜርሢ ዜርቃሢም ዜርሢ፤ ሃሣ ዓሲ ሙዓንዳጉዲ ሙኡዚ ዲንጋ ያኣዛሢ ዲንሢ ዜርቃንዳ ዜርቃ ሚርጌ ዲንሢም ዲንጋንዳ፤ ዲንሢ ዲንጋሢኮቀ ዓኣፖ ዲ ሚርጊሻዳንዳ።

11 ዲንሢ ኮሹሞና ዲንጋ ባካ ኑ ዛሎና ዔያቶም ሄላ ዓሳ ሲያ ያኦሲ ጋላታንዳጉዲ ሃሣ ሲያ ዎዴ ኮሹሞና ዲንሢ ዲንጋንዳጉዲ ያኦሲ ሲያ ባኣዚና ዲንሢ ያርጎቻንዳ።

12 ዬይ ዲንሢ ዲንጊያና ማዳ ማዳ ኪሪሰቶሴ ጉሙርቃ ዓሶኮ ማታሢ ሺሌዲሳያ ሌሊቱዋንቴ ያኦሲ ሚርጌና ዔያታ ጋላታንዳጉዲ ማሃኔ።

13 ዬይ ማዳ ዲንሢኮ ዲንሢ ኪሪሰቶሴኮ ኮኩ ሃይሶ ዋይዚ ዔኪ ዔይሢንቴሢሮና ዔያቶና ሚሌዘንሢናም ዲንሢኮ ዲንጊያ ዔርቴያ ማዔሢሮ ሲያሢ ያኦሲ ጋላታንዳ።

14 ዔያታ ያኦሲ ዲንሢም ዲንጌ፥ ዑሣ ዓኣጳ ጳኤፒ ማዔ ኮሹሞ ዲንጊያ ዛሎና ዲንሢ ጳቂሣሢሮ ዲንሢም ዔያታ ሺኢቃንዳ።

15 ዓሲ «ሃማኬ» ጌይ ኬኤዛኒ ዳንዳዑዋ ያኦሲኮ ዲንጊያሮ ዲዚ ጋላቲንቴያ ማያንጎ።

10

ጳውሎሴ ዲዛ ደንካ ዓሰም ማሂ ኬኤዜ ባኮ

1 ዲንሢ ኮይላ ዓኣፖ «ሴልቃያ»፤ ዲንሢ ኮይላፓ ሃኪ ዴንዳፖ ጋዓንቴ «ጫርቃያ» ጌይንቴሢ፥ ታኣኒ ጳውሎሴ ኪሪሰቶሴኮ ኮሹሞና ሺሌዑሞና ማዒ ታ ዲንሢ ሺኢቃኔ፤

2 ታ ዲንሢ ሺኢቃሢ ዲንሢ ኮራ ታ ሙኬ ዎዶና ዬያይዲ ጫርቂ ጌሰታንዳጉዲ ታና ማሂፖቴ ጌይኬ፤ ዓሲ ማሊሢና ኑ ሃንታያ ማሂ ኑና ፓይዳ፥ ፔቴ ፔቴ ዓሶ ቤርታ ጋዓንቴ ጫርቂ ጌሰታኒ ታ ማላኔ።

3 ዎዚ ኑ ሃያ ዓጫ ናንጋያ ማዔቴያ ኑ ያልታሢ ሃያ ዓጮ ዓሳ ያልታ ጎይያቱዋሴ።

9:9 ዓይኔ. 112:9:: 9:10 ዓሲ. 55:10::

4 ኑኡኮ የሎ ዓንጋማ የሎሮ ኬልቂ ዴዎና ኬኤሎ ደይሳኒ ዳንዳዓ፣ የኦሲ ዋልቂ ዓኣ፣ ዓንጋሞ ማዓንዳኣጋዓቲም ሃያ ዓጮ የሎ ዓንጋሞ ጉዲቱቀሴ።

5 ዓሲ የኦሲ ዔሩዋጉዲ ሉኡዙሞና ማርሞ ማርማሢንታ የቶርሞ ማሊያዋ ጉቤ ኑ ባይዛንዳኔ፤ ዓሲኮ ማሊያ ጉቤ ኑ ዲዒ ዲዒ ኪሪሰቶሴም ዓይሢንታንዳጉዲ ማሃኔ።

6 ዒንሢኮ ዓይሢንቲፃ ጎኔ ማዔሢ ኑ ዔሬሢኮ ጊንፃ ዓይሢንቲ ዒፃ ባኣዚ ዓይጎዋ ጉቤ ኑ ፑርታና ዋጋኒ ጊኢጌኔ።

7 ዒንሢ ዛጋሢ ፔጌና ጴዳ ባኣዚ ሌሊኬ፤ ዓይጎ ዓሲያ ታኣኒ ሌሊ ኪሪሰቶሴርኬ ጌዒ ጉሙርቃቶ ፔና ጊንሣ ሸርሺ ዛጎንጎ፤ ኑኡኒያ ዒዛጉዲ ኪሪሰቶሴር ማዔሢ ዔሮንጎ።

8 ጎዳ ኑም ዒንጌ ቢታንቶና ሚርጌና ታ ሄርሺንቲቲያ ታና ቦርሱቀሴ፤ ዋይቲ ጌዔቲ ዬይ ቢታንታ ኑም ዒንጊንቲሢ ዒንሢኮ ጉሙርቂያ ደዲሻኒ ማዓንዳኣጋዓቲም ባይዛኒቱቀኣሢሮኬ።

9 ታኣኮ ኪኢታታ ዒንሢ ዒዒጊቻኒ ኬኤዛያ ማሎፓ።

10 ፔቲ ፔቲ ዓሳ «ጳውሎሴኮ ኪኢታ ዴኤፃያ ሃሣ ደዲኬ፤ ጋዓንቲ ዒዛ ኑ ዛጋኣና ዑፃ ላኣፓ፣ ጌኤዛኣ ዒዛኮ ፓሡቀያኬ» ጋዓና ናንዳኔ።

11 ዬኖ ጋዓ ዓሳ ዒንሢዳፓ ሃኬ ዓኣፃ ኑ ፃኣፓ ኪኢቶና ዒንሢ ኮይላ ዓኣፃ ኑ ማዳ ማዳናኮ ባኣካ ደሙሞ ባኣያታሢ ዔሮንጎ።

12 ኑኡኒ ጋዓንቲ ፔ ቶኦኮ ጋላታ ዓሶና ኑና ዋላ ፔቲ ማሃኒ፣ ሃሣ ጊንሣ ቤኤዚ ዛጋኒ ፔቲታፃ ኑ ማሊሢዳ ባኣሴ፤ ዔያታ ፔና ፔኤና ቤኤዚ ዛጋሢሮ ዔያቶኮ ዒና ባኣያኬ።

13 ኑኡኒ ጋዓንቲ ፔቶ ዑሣ ዓኣጴ ሄርሺንቲቀሴ፤ ኑኡኒ ሄርሺንታሢ የኦሲ ኑና ማዳንጎ ጌዔማ ጎይያ ዴንዲ ዒንሢ ሄላንዳኣና ማዳ ማዳናኬ።

14 ዒንሢ ሃሢ ዓኣሢ ኑ ማዳንዳጉዲ ጌይንቲ ቤዘይዳ ማዔሢሮ ኪሪሰቶሴኮ ኮዦ ሃይሶ ኬኤዛኒ ኑ ዔኪ ዒንሢ ኮይላ ሙኬ ዋደና ስፓ ኑ ዑሣ ዓኣዲ ባኣሴ።

15 ዬያሮ የኦሲ ኑም ጌዔ ቤዛፓ ኑ ዓኣዲ ሜሌ ዓሲ ማዳ ማዳና ኮይሱሞ ጎይሢ ዑሣ ዓኣጴ ኑ ሄርሺንታዓ፤ ጋዓንቲ ዒንሢኮ ጉሙርቂያ ደዳንዳጉዲና ኑኡኮዋ ማዳ የኦሲ ኑም ዒንጌ ቤዙ፣ ዒንሢ ባኣካ ባሽና ዳልጋንዳኔ ጌዒ ሃጊ ማዓንዳ ዋዛ ኑ ጌሣኔ።

16 ዓካሪ ሜሌ ዓሳ ማዳ ቤዘይዳ ጌሊ፣ ቤርታ ማዳንቲ ማዳና ሄርሺንቲቀዎ ዒንሢኮ ዙላ ዓኣ ዓጮም ኮዦ ሃይሶ ኑ ኬኤዛኒ ዳንዳዓኔ።

17 ጋዓንቴ «ሄርሺንታህ ጎዳና ሄርሺንቶንሳ።»
 18 ዓይጎር ጌዔቴ ዓሲ ጋላቲንቴያ ማዓሲ ዳንዳዓህ ጾኦሲ ዒዛ ጋላቲቴ ማዓንዳኣፓዓቲም ፔና ፔኤሮ ዒ ጋላቲቴቱቀአሂርኬ።

11

ጳውሎሶና ጾኦሲ ማደም ዳኪንቴኔ ጌይ ሉኡቃዘንሂና

1 ዳካ ዔኤያቶና ታ ጌሰታ ባኮ ዒንሂ ገቢ ዳንዳዓንዳጉዲ ታ ኮዓኔ፤ ጎኔኬ፣ ዒንሂ ዳንዳዒ ዳንዳዒኬ።

2 ጾኦሲ ዒንሂ ናሽኪ፣ ዒዛም ሌሊ ዒንሂ ማዓንዳጉዲ ኮዓሂጉዲ ታኣኒያ ዒማዲ ማላኔ፤ ታ ያዲዲ ማላሂ ፔቴ ኩሙሂ ዉዲር ናይጉዲ ፔቴ ዓቲንቁም ታ ዒንሂ ጾኦሎሂርኬ፤ ዩይ ዓሂያ ኪሪሰቶሴኬ።

3 ሾኦሽ ሂቀኣኖ ጨንጨምና ጌሽ ዳቢሴሂጉዲ ጎጾንቴ ዒንሂኮቀ ማሊፃ ፑርቴም ኪሪሰቶሴም ዒንሂኮ ዓኣ ፒዙሞና ጌኤሹሞና ዒንሂ ሃሻንዳያናንዳኔ ጌይ ታ ሂርጋኔ።

4 ዓይጎር ጌዔቴ ፔቴ ዓሲ ዒንሂ ኮይላ ሙኪ ኦኡኒ ዒንሂም ከኤዜ ዩሱሴቱዋንቴ ማሌ ዩሱሴ ዒንሂም ከኤዜቴ ሃሃ ዒንሂ ቤርታ ዔኬ ዓያኖይዳፓ ማሌ ዓያና ዒንሂ ዔኬቴ ገንሃ ሃሃ ቤርታ ዒንሂ ዋይዚ ዔኬ ኮዦ ሃይሶይዳፓ ማሌ ዋይዚ ዒንሂ ዔኬቴያ ዩያ ዒንሂ ዘቲኖ ጌይ ዛዛጋኔ።

5 ጋዓንቴ ታኣኒ ዩንሂ «ጾኦሲ ማደም ዳኪንቴ ዳኤፖ ዓሶ» ጌይንታ ዓሶይዳፓ ዓይጎናኣ ሃታያ ታኣም ማሉቀሴ።

6 ዩና ዓሳ ጌኤታሂጉዲ ሃይሴ ማዢ ታ ጌሰቲባኣቴያ ዔራቶ ታኣኮ ናንገኬ፤ ዩያ ማርጌ ዋዴ፣ ማርጌ ባኣዚና ፔጋሲ ኦ ዒንሂም ዳቄ።።

7 ታኣኒ ጾኦሲኮ ኮዦ ሃይሶ ሚኢሹ ዔኩቀኣፖ ዒንሂም ከኤዚያና፣ ሃሃ ዒንሂ ዳጊዳኒ ታ ቶኣኮ ሂርኪሲፃ ታኣኮ ጎሜ ማዔኔ ጌይሂዳ?

8 ዒንሂም ማዳኒ ኪሪሰቶሴ ጉሙርቃ ሃንጎ ሽኢጲፃ ማኣር ዓሶይዳፓ ማኣዳሂ ታ ዔኪያና ታ ዔያቶ ቡሬ።።

9 ዒንሂና ዋላ ታ ዓኣንቴ ሜታሂ ታና ሄሌ ዋዶና ሜቄደኒያፓ ሙኬ ዒሾንሂ ታኣም ኮይሳ ባኮ ዒንገ ማኣዳያ ማዔሂር ያናኣ ታ ሜታሲባኣሴ፤ ሃኖ ሄላንዳኣና ዓይጎ ባኣዚናኣ ታ ዒንሂ ሜታሲባኣሴ፤ ሴካ ሃጋ ቤርታኣ ታ ዒንሂ ሜታሲንዱቀሴ።።

10 ኪሪሰቶሴኮ ጎኑማ ታጊዳ ዓኣሂር ታ ጫርቂ ጌሰቱዋጉዲ ዓካይያ ዓጮይዳ ታና ላኣጋኒ ዳንዳዓይ ጾኦኒያ ባኣሴ።።

10:17 ዔር. 9:24። 11:3 ማዢ. ማፃ 3:1-5፤ 13። 11:9 ፒልጲ. 4:15-18።

11 ዬያ ታ ጋዓሢ ዓይጎርዳይ? ታ ዒንሢ ናሽኩዋአሢሮዳ? ያኦሲ ዔራሢጉዲ ታ ዒንሢ ናሽካኔ።

12 ዬያ ታ ሃንጎ ያኦሲ ማደም ዳኪንቴ ዓሳ፡- «ኦኦኒያ ጳውሎሴንሢጉዲ ማዳኔ» ጌይ ጌይ ሄርሺንታ ባኮ ዔያቶ ሃሺሳኒ ሃሢ ታ ማዳ ጎይያ ሃጊ ሴካኣ ማዳንዳኔ።

13 ዬናጉዴ ዓሳ ኪሪሰቶሴ ማደም ዳኪንቴያ ፔና ማሊሻኒ ኮዓያ፣ ሉኡዙሞና ያኦሲ ማደም ዳኪንቴያ ማላ ጌሺ ማዳ ዓሲኬ።

14 ዬይ ዲቃሢ ሄርሺሳ ባኣዚቱሞሴ፤ ሞይቲ ጌዔቴ ፃላሄታ? ፔና ፖየ ኪኢታንቸ ማሃኒ ዲማ ዲማ ጎይሢና ፔና ላኣማኔ።

15 ዬያሮ ፃላሄም ማዳ ዓሳ ዒሉሞና ማዳያ ማሊሲ ፔና ዲማ ዲማ ጎይሢና ላኣማቴያ ዲቃሢ ሄርሺሳያቱሞሴ፤ ጋፒንፃ ዔያታ ማዳ ማዳ ዛሎ ፔኤኮ ዳንቃንዳኔ።

ጳውሎሴ ፔና ሄሌ ማታሢ ጫርቁ ኬኤዘሢ

16 «ዓይጎ ዓሲያ ታና ዔኤያኬ ጎየፓ» ጌይ ላሚ ታ ኬኤዛኔ። ታ ዒንሢም ዔኤያ ማሊ ጳዴቴያ ዳካ ታ ጫርቁ ጌስታንዳጉዲ ዔኤያ ማሃ ታና ፓይዲሞቴ።

17 ሃያይዲ ታ ጫርቁ ጌስታሢ ጎዳ ማሊያጉዲቱሞንቴ ዔኤያ ማዒኬ።

18 ሚርጌሢ ሃያ ሳየ ባኣዚና ሄርሺንታሢሮ ታኣኒያ ሄርሺንታንዳኔ።

19 ዒንሢ ጪንጫ ማዔሢሮ ዔኤዮ ዓሶ ባኮ ዛጌየ ጊባኔ።

20 ዬያጉዲ ያኦኒያ ዒንሢ ዓይሌ ማሄቶ፣ ቡሪ ዒንሢ ባኮ ዔኬቴ፣ ዒንሢ ጌሹቴ፣ ዒንሢዳ ያቶርቁ ጌስቴቴ፣ ያኦኒያ ዒንሢ ባዔቴ ዘቲ ጌዒ ጊቢ ዒንሢ ዳንዳዓንዳኔ።

21 ሞዚ ታና ቦርሳያ ማዔቴያ ዒንሢጉዲ ጊቢ ዳንዳዒያና ኑ ዶዲ ማዓባኣሢ ታ ዒንሢም ኬኤዛኔ።

ጋዓንቴ ያኦኒያ ሄርሺንታኒ ጫርቃቶ ታኣኒያ ዒዛጉዲ ጫርቁ ሄርሺንታንዳኔ፤ [ዬያ ታ ጋዓሢ ሃሢ ዔኤያጉዲ ማዒኬ።]

22 ዔያታ፣ ዬና ዓሳ ዔብሬ ዓሲዳ? ታኣኒያ ዔያቶጉዲኬ፤ ዔያታ ዒሰራዔኤሌ ዓሲዳ? ታኣኒያ ዔያቶጉዲኬ፤ ዔያታ ዓብራሃሚ ዜርሢዳ? ታኣኒያ ዔያቶጉዲኬ።

23 ዔያታ ኪሪሰቶሴም ማዳ ዓሶዳ? ታኣኒ ዔያቶይዳፓ ባሺ ኪሪሰቶሴም ማዳያኬ፤ [ዬያ ታ ጋዓሢ ዣኣሹሞጉዲኬ።] ታኣኒ ሚርጌ ሞዴ ማዶና ላቤኔ፣ ሚርጌ ሞዴ ታ ቱኡቴኔ፣ ሚርጌ ሞዴ

ዢራፓናኦ ታ ጳርቂንቴኔ፥ ሚርጌ ዎዴ ሃሣ ታ ሃይቄዎ ዓቲ ዓቲ ዓኣሣኔ።

24 ዓይሁዶ ዓሳ ዢራፓና ሃይሣታሚ ታዘጳ ጳዲ ዶንጎ ማይንጉ ታና ጳርቂኔ፤

25 ሃይሣ ማይንጉ ኮኦሎና ታ ጳዲንቴኔ፥ ፔቴና ሹቻ ታ ዲይንቴኔ፥ ሃይሣ ማይንጉ ዋኣሣ ካኣሚሌይዳ ሜታ ታና ሄሌኔ፥ ፔቴ ኬሊ ዲሚና ሮኦሪና ቢያ ዋኣሣዳ ታ ዎርቂ ፔኤቄኔ፤

26 ሚርጌ ዎዴ ታ ጎይሣ ሃንቲሣና ሜታዳኔ፤ ዬያይዳ ዎርዚ ኩሚ ታና ሙዔያ ዓቲኔ፥ ሱላንታ ታ ዓጊኖ ዓይሁዶ ዓሰንታ ዓይሁዶ ማዒባኣ ዓሳኣ ታና ዎዴያ ዓቲኔ፥ ካታሞና ካዮና ዴኤፖ ባዘናይዳ ታ ሃይቄዎ ዓቲኔ፤ ሃሣ ሉኡዙሞና ኪሪሰቶሴ ጉሙርቃኔ ጋዓ ዓሳ ታና ዎዴያ ዓቲኔ።

27 ሚርጌ ታ ላቢ ማዲ ሜቶ ዛጌኔ፥ ሚርጌ ዎዴ ጊንያ ታ ዓቲኔ፥ ናይዚና ዋኣሣ ዴኤቢና ታና ሜታሴኔ፥ ሚርጌ ዎዴ ሙኡዚ ባይቄም ታ ሜታዳኔ፥ ሚርጌ ዎዴ ጨኢሽና ካሉሞና ታና ሜታሴኔ።

28 ጋዓንቴ ሜሌ ዓቲ ባኮይዳፓ ባሽ ቢያ ኬሊ ታና ሜታሴሣ ኪሪሰቶሴ ጉሙርቃ ሺኢዲያ ማኣሮ ዓሶ ዛሎኬ።

29 ፔቴ ዓሲ ላባኣና ታ ዒዛና ዎላ ላባኔ፤ ሃሣ ፔቴ ዓሲ ባጋሣ ዳቢሲ ጎሜይዳ ጌልዜቴ ሚርጌና ታ ዳጋዳኔ።

30 ሄርሺንጉ ጌሰቲሣ ኮይሳያ ማዔቴ ታኣኒ ሄርሺንታሣ ታ ላቤያ ማዒያ ዳዎ ባኮንሣናኬ።

31 ኑ ጎዳሣ፥ ዬሱስ ኪሪሰቶሴኮ ዓዶ ማዔ ያኣዛሣ ናንጊና ጋላቲንቴያ ማያም፤ ታ ሉኡቂ ኬኤዙዎኣሣ ዒ ዔራኔ።

32 ዴማሰቆ ካታሞይዳ ታ ዓኣ ዎዶና ካኣቲ ዓሬታሴኮ ዴማ ማዒ ዴሮ ዎይሣሣ ታና ዓርቃኒ ኮዒ ካታሞ ጌላ ካሮ ካሮ ካፓ ዓሶና ካፒሳኔ።

33 ጋዓንቴ ሹጮና ኬልቂ ኮሾና ዲሮኮ ፑልታና ዓሳ ታና ሮኦጩና ኬይሴም ታ ዒዛይዳፓ ቶሊ ዓቲኔ።

12

ጳውሎሴም ያኦሲ ፔጋሲ ዳዌ ባኮ

1 ታኣኒ ሄርሺንጉ ጌሰታንዳኔ፤ ጋዓንቴ ዬይ ፓሣ ባኣዚቴዎሴ፤ ሃሣ ታኣኒ ጎዳ ታና ፔጋሲ ዳዌ ባኮና፤ ሃሣ ታኣኒ ዛጌ ባኮዎ ኬኤዛንዳኔ።

11:23 ዳኪ. ማዶ 16:23። 11:24 ላሚ. ዎማ 25:3። 11:25 ዳኪ. ማዶ 16:22፤ 14:19። 11:26 ዳኪ. ማዶ 9:23፤ 14:15። 11:33 ዳኪ. ማዶ 9:23-25።

2 ፔቴ ኪሪስቶስ ጉሙርቃ ዓሲስኬያ ታ ዔራኔ፤ ዩይ ዓሢ ታጳ ያይዶ ለዔኮ ቤርታ ጫሪንጮኮ ዑፃ ዓኣ ጫሪንጮ ዔውቲ ዓኣጳ፤ [ዩይ ዓሢ ዔውቲሢ ዑፃ ዒዛኮ ዩማዲ ዓኣንቴሞ ባኣንቴሞ? ታ ዔሩሞሴ፤ ያኦሲ ዔራኔ።]

3 ጎኔ ዩይ ዓሢ፡ ዑፃ ዒዛኮ ዩማዲ ዓኣንቴሞ ባኣንቴሞ? ታ ዔሩሞሴ፡ ያኦሲ ዔራኔ፤

4 ጋዓንቴ ዩይ ዓሢ ጌኔቴ ጌይንታ ቤዘ ዔውቲሢ ታ ዔራኔ፤ ዒኣካ ዒዚ ዓሲ ፔጋሲ ኬኤዛኒና ጌሰታኒ ዳንዳዑሞ ባኣዚ ዋይዜ።

5 ዩያጉዴ ዓሢ ዛሎና ታ ሄርሺንታ፤ ታ ታ ዛሎ ጋዓንቴ ታኣኮ ለቤያ ማዒያና ሄርሺንታ፤ ማሌ ሄርሺንታ ባኣዚ ባኣሴ።

6 ታ ሄርሺንቲ ጌሰታኒ ኮዔቴታ? ያኦኒያ ታና ዔኤያኬ ጎይፓ፤ ዓይጎር ጌዔቴ ታ ኬኤዛሢ ጎኔ ባኣዚኬ። ጋዓንቴ ዓይጎ ዓሲያ ታ ዛሎ ዛጋ ባኮና ዋይዛ ባኮናይዳፓ ዑሣ ጳኤፒሲ ኬኤዙሞጉዲ፡ ሄርሺንቲያ ታ ሃሻ።

7 ዩንሢ ታኣሞ ጳዴ፡ ጳኤፖ ባኮንሢ ዛሎና ታ ያቶርቁሞጉዲ ታኣኮ ዓሽኮ ዓንገሢጉዲ ጫርጋ ባኣዚ ታኣሞ ዒንገንቴ፤ ዩይ ያላሄኮ ኪኢታንቻ ማዒ ታና ሜታሴም ታ ያቶርቁሞጉዲ ታኣሞ ዒንጎናያኬ።

8 ዩይታና ሜታሳ ባካ ታገዳፓ ባይቃንዳጉዲ ጎዳ ሃይሢ ማይንቲ ታ ሺኢቄ፤

9 ጋዓንቴ ዒዚ፡- «ታኣኮ ዋልቃ ጳዳሢ ኔኤኒ ላቢንቴ ዋዶና ማዔሢር ታ ዒንጌ ኮዦ ዒንገፃ ኔኤም ገዳንዳኔ» ታኣሞ ጌዔ፤ ዩያር ኪሪስቶሴኮ ዋልቃ ታገዳ ማዓንዳጉዲ ዑሣ ዓኣጳ ታ ዋዛዲ ዋዛዲ ታ ላቢያና ታ ሄርሺንታኒ ኮዓ።

10 ዋልቄ ታኣኒ ዴንቃሢ ታኣኒ ላቤ ዋዶና ማዔሢር ኪሪስቶሴ ዛሎ ታ ላቢንታኣና፡ ጫሽኪንታኣና፡ ሜታዳኣና፡ ዒዲንቲ ዴውሲንታኣና፡ ካራ ባይዚ ታ ሃንታኣና ቢያ ታና ዋዋዛሳ።

ጳውሎሴ ቆሮንቶሴ ዓሶ ዛሎ ሜታዲ ማሌ ማሊያ

11 ታኣኒ ዩያ ጌሰቲያና ዔኤያ ማዔ፤ ያዲ ታ ጌሰታንዳጉዲ ማሄሢ ዒንሢኬ፤ ታና ጋላታንዳያ ዓቴሢያ ዒንሢኬ፤ ዓይጎር ጌዔቴ ታኣኒ ዓሲ ጌይንቴሞ ዓሲ ማዔቴያ፡- «ያኦሲ ማዶም ዳኪንቴ፡ ጳኤፖ ዓሶ» ጌይንታ ዓሶይዳፓ ታ ሃታያቴሞ።

12 ታኣኒ ዒንሢ ባኣካ ዓኣ ዋዶና ያኦሲ ማዶም ጎኔ ዳኪንቴ ዓሲ ማዒያ ዔርዛ ባኣዚ ገቢ ዳንዳዒሢና ማዴ ባካ ዴማ ዴማ ማላታ፡ ዲቃሣ ባኣዚንታ ያኦሲ ዋልቄና ማዲንታ ዓኮ ባኮንታኬ።

13 ዲንሢ ታሜታሱዋ የሸማገላ ዓታዛ ሃንጎ ኪሪሰቶሴ ጉሙርቃ ሸኢጲያ ማኦር ዓሰይዳገ ዓይጎና ታ ዲንሢ ዳኪሴይ? ዬይ ታኦኮ ዳቢንቲ ማዔቴ ታኦም ዓቶም ጎቡዋቴ።

14 ዲንሢ ከይላ ታ ሙካንዳኔ ጌይ፣ ጊኢጊንቲ ጊኢጊንቲ ዓታንቲ ሃና ሃይሢሰኬ፤ ታቴያ ታ ዲንሢ ሜታሳኒ ከቡዋሴ፤ ዓይጎር ጌዔቴ ታ ከዓሢ ዲንሢ ማዓንዳኦገዓቴም ዲንሢከ ሚኢሸቱዋኦሢ። ሩይም ሚኢሸ ቡኩሳሢ ሸዔ ዓሰ ማዓንዳኦገዓቴም ሩኦታ ሸዔ ዓሰም ሚኢሸ ቡኩሰዋሴ።

15 ታኦኒ ጋዓንቲ ዲንሢ ዛሎር ታኦኮ ዓኦ ባኮ ቢያ፣ ሃሢ ጊንሣ ታና ዓኦሢ ታ ዲንጌቴ ታኦም ቃራኬ፤ ዓካሪ ታ ዲንሢ ዬያይዲ ሚርጌና ሩሸካዛ ዲንሢ ታና ዬማይዲ ዳካና ሩሸካኔ ጌይሢዳ?

16 ዬይ ያዲ ማዔቴያ ታ ዲንሢ ሜታሳዓኬ፤ ጋዓንቲ ፔቴ ፔቴ ዓሳ ጋዓሢጉዲ ፑርታ ማሊሢና ጌሺ ታ ዲንሢ ዓርቄያ ማሎዋዎ ዓታዓ!

17 ታ ዲንሢ ከይላ ዳኬ ዓሰይዳገ ፔቴሢ ዛሎናታዎ ታ ዲንሢ ቡሪያ?

18 ቲቶ ዲንሢ ከይላ ዓኦዳንዳጉዲ ታ ሸኢቄኔ፤ ፔቴ ኑ ዲሻሢያ ዲንሢ ከይላ ዓዛና ዋላ ታ ዳኬኔ፤ ሂዳዎ ቲቶ ዲንሢ ዲማና ቡሪያ? ታኦና ዓዛና ዲንሢም ማዔሢ ፔቴ ማሊሢናቱዋዓዳ? ኑኡኮ ማዳኦ ፔቴቱዋዓዳ?

19 ሃና ሄላንዳኦና ኑ ዬያይዲ ጌሰታሢ «ኑ ዳቤያ ዳቢባኦ» ጌይ ጌሰታያ ዲንሢም ማላ? ኑኡኒ ኪሪሰቶሴና ማዒ ኬኤዛሢ ያኦሲ ቤርታኬ፤ ኑ ዲጊኖንሢኦቴ! ኑኡኒ ሃያ ዲንሢም ኬኤዛሢ ዲንሢ ዲዲሺ ማካኒኬ።

20 ታኦኒ ዲንሢ ከይላ ሙካ ዋዶና ታ ማላ ጎይዎ ዲንሢ ማዒባኦያ፣ ሃሢ ታኦኒያ ዲንሢ ማላ ጎይዎ ማዒባኦ ኑ ዋላ ካኦማንዳኦ ሩንዳኔ ጌዒ ታ ዲጊጫኔ፤ ጎዎንቲ ዲንሢ ባኦካ ቡራ፣ ቂኢሩዋ፣ ጎሪንቲ፣ ፑርታ ማዳኒ ዞርቲሢ፣ ዓሲ ፑርቲሲ ጌሰቲሢ፣ ዳንኮ፣ ዎቶርሙዋንታ ዛሎንታ ዓኦ ሩንዳኔ ጌዒ ታ ዲጊጫኔ።

21 ዬና ታ ዲንሢ ከይላ ላሚያ ሙካዞና ታ ያኦዛሢ ጎዎንቲ ዲንሢ ቤርታ ታና ቦርሲሳንዳያ ሩንዳኔ ጌዒ ታ ዲጊጫኔ፤ ሃሢ ሚርጌ ዓሳ ሃያኮ ቤርታ ዔያታ ማዔ ጎሞንታ ዒኢቲ ማዳንታ ዓኒ ሃሢ ማሻ ማዒባኦያና ላሃሢንታ ዓኒ ሃሢ ማሻ ማዒባኦያና ላሃኒ ከዒ ዓማሊያ ጎሞንታ ዔያታ ቡኡዒባኦያ ማዔም ታና ሚርጌ ዎዩሳንዳያ ሩንዳኔ ጌዒ ታ ሚርጌ ዲጊጫኔ።

13

ጳውሎሴኮ ጋፒንዎ ዞርና ጎራሢያ

1 ዓካሪ ሃና ታኣኮ ዒንሢ ኮይላ ሃይሣሶ ሙኮ ማዓንዳኔ፤ ቢያ ባኣዚኮ ጎኑማ ዔርታሢ ላምዖ ሃንጎ ሃይሣ ማርካናኬ።

2 ላሚዖ ታዒንሢ ዛጋኒ ዒንሢ ኮይላ ሙኬ ዎዶና ላቲ ታዒንሢም ኬኤዜ ባኣዚ ዓኣኔ፤ ሃሢያ ታ ሃኬ ዓኣዖ ቤርታ ጎሞ ማዶዘንሢንታ ሃንጎዎቶንታም ላቲ ታ ኬኤዛኔ፤ ዓካሪ ታ ዒንሢ ኮራ ማዒ ሙካኣና ዖናኣ ታ ሚጨንቲ ጌሰታዓኬ፤

3 ዬያይዲ ታኣና ማዒ ኬኤዛሢ ኪሪሰቶሴታሢ ዒንሢ ዔራንዳኔ፤ ዒንሢ ባኣካ ዒ ማዳንዳሢ ዎልቄናኬ፤ ላቢሢናቱዎሴ።

4 ዒዚ ፑርቶ ዓሶ ሱዖ ሚዖይዲ ሱዒንቲ ሃይቄሢ ላቢሢና ማዔያታቲያ፤ ሃሢ ዒዚ ያኦሲ ዎልቄና ሹምፖና ናንጋኔ፤ ኦኩኒያ ዒዛና ዎላ ማዒያና ላቤያ ማዔቲያ ዒንሢም ማዳኒ ያኦሲ ዎልቄና ዒዛና ዎላ ሹምፔና ዓኣያ ማዒ ኦ ናንጋኔ።

5 ዒንሢ ያኦሲ ጎኔ ጉሙርቃያ ማዒዖ ዔራኒ ዒንሢ ማሃ ዛጉዎቲ፤ ሃሃ ዒንሢ ገንሣ ሺሪ ያኦጩዎቲ፤ ዒንሢ ዛኣለቲ ሌሊ ማዓንዳኣፓዓቲም ሃንጎ ዬሱሰ ኪሪሰቶሴ ዒንሢዳ ዓኣሢ ዒንሢ ዔራዎዓዳ?

6 ኦኩኒ ጋዓንቲ ዬያና ዳቢንቲ ዛኣለባኣያ ማዔሢ ዒንሢ ዔራኔ ጌይ ኦ ጉሙርቃኔ።

7 ዒንሢ ፔቲታዖ ፑርታ ባኣዚ ማዳዎጉዲ ያኦሲ ኦ ሺኢቃኔ፤ ኦኩኒ ሺኢቃሢ ዎዚ ዓሲም ኦ ኮሺ ዓሲ ማዒ ጴዲባኣቲያ ዒንሢ ቢያ ዎዴ ፒዜ ማዔ ባኣዚ ማዳንዳጉዲ ማዓንዳኣፓዓቲም ኦ ኮሹሞ ዳዎኒቱዎሴ።

8 ዒይጎር ጌዔቲ ኦ ጎኩሞም ማዳኣፓዓቲም ጎኩሞና ዎላ ዓኣዲዎ ባኣዚ ዓይጎዎ ኦ ማዳኒ ዳንዳዑዎሴ።

9 ኦኩኒ ላቤያ ማዔም ዒንሢ ደዲ ማዔቲ ኦም ቃራኬ፤ ኦኩኮ ሺኢጲዖ ዒንሢ ፓጩ ባኣዚባኣ ዓሲ ማዓንዳጉዲኬ።

10 ሃያ ኪኢቶ ዒንሢፓ ሃኬ ዓኣዖ ታ ፃኣፔሢ ዬያርኬ፤ ዬያይዲ ያና ታ ዒንሢ ኮይላ ሙኬ ዎዶና ጎዳ ታኣም ዒንጌ ቢታንቶና ታ ዒንሢ ማታጎዓኬ፤ ዓይጎር ጌዔቲ ጎዳ ዬያ ቢታንቶ ታኣም ዒንጌሢ ዒንሢ ታ ደዲሺ ማዛንዳጉዲኬ፤ ሻሂ ባባይዛንዳጉዲቱዎሴ።

11 ዓካሪ ታ ዒሹንሃ! ሚሹንሃ! ኮሺ ናንጉዎቲ፤ ፓጩ ባኣዚባኣ ዓሲ ማዓኒ ደዲዎቲ፤ ታ ዘር ዎይዙዎቲ፤ ዎላ ሃሃ ጌኢጌ ናንጉዎቲ፤ ሲካና ሃንጋና ኮሹሞና ናንጉዎቲ። ናሹሞና ኮሹሞናኮ ያኣዛሢ ዒንሢና ዎላ ማዓንዳኔ።

12 ዎሊኮ ጌርሲንሢጉዲ ማዒ ዎሊ ሄርቄ ሄርቄ ዎሊ ዔኤሉዎቲ።

13:1 ላሚ. ዎማ 17:6፤ 19:15።

13 ጸኣሲም ደግሞ ዓሳ ቢያ ዒንሢ «ኮሺዳ?» ጋዓኔ።

14 ኅዳ ዩሱስ ኪሪስቶስኮ ኮሹማ፣ ጸኣሲኮ ናሹማ፣ ዒያኖ ጌኤዢኮ ፔቱማ ዒንሢ ቢያሢና ዎላ ማዖን።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929